

ESO

Novidades na avaliación, promoción e titulación

Normativa de referencia:

- [Lei orgánica 3/2020](#), LOMLOE.
- [Real Decreto 984/2021](#), polo que se regulan a avaliación e a promoción na Educación Primaria, así como a avaliación, a promoción e a titulación na ESO, BAC e FP.
- [Orde de 25 de xaneiro de 2022](#), pola que se actualiza a normativa de avaliación das ensinanzas de Primaria, ESO e BAC no sistema educativo de Galicia.
- [Modificación da concreción curricular 2021/2022](#).

Avaliación na ESO (Orde 25/01/2022)

As novidades que se aplican no curso 21/22 son as seguintes:

- Haberá tres avaliacións parciais. A terceira terá lugar a partir do 6 de xuño de 2022.
- Haberá unha única avaliación final, que se realizará a partir do 23 de xuño. Polo tanto, desaparece a convocatoria extraordinaria (a que tradicionalmente tiña lugar a primeiros de setembro). A cualificación definitiva das materias ou ámbitos farase efectiva nesta avaliación final.
- O período comprendido entre a 3ª avaliación parcial e a avaliación final dedicárase a actividades de apoio, reforzo, recuperación, ampliación e titorización.

Promoción na ESO (Orde 25/01/2022)

Promociona dun curso a outro o alumnado que supere todas as materias cursadas ou teña avaliación negativa nunha ou dúas materias, considerándose para o cómputo as materias non superadas do propio curso e as de cursos anteriores.

Ademais de nos casos anteriores, o equipo docente poderá decidir a promoción dunha alumna ou dun alumno con máis de dúas materias suspensas, sempre que se cumpran tamén todas as condicións seguintes:

- a) Que a media aritmética das cualificacións obtidas en todas as materias nas que estea matriculada ou matriculado nese ano académico sexa igual ou superior a cinco.
- b) Que o equipo docente considere que a natureza das materias non superadas lle permite seguir con éxito o curso seguinte.
- c) Que o equipo docente estime que ten expectativas favorables de recuperación.
- d) Que o equipo docente estime que a devandita promoción beneficiará a súa evolución académica

O alumnado que non promocioe permanecerá un ano máis no mesmo curso. En todo caso, o alumnado poderá permanecer no mesmo curso unha soa vez e dúas veces como máximo ao longo do ensino obrigatorio.

Titulación na ESO (Orde 25/01/2022)

Obterá o título de graduado en educación secundaria obrigatoria o alumnado que supere todas as materias ou ámbitos cursados. Ademais de no caso anterior, o equipo docente poderá decidir a obtención do título por parte dunha alumna ou dun alumno, sempre que se cumpran tamén todas as condicións seguintes:

- a) Que a media aritmética das cualificacións obtidas en todas as materias en que estea matriculada ou matriculado nese ano académico sexa igual ou superior a cinco.
- b) Que a xuízo do equipo docente a alumna ou o alumno adquirise as competencias establecidas.
- c) Que a xuízo do equipo docente a alumna ou o alumno alcanzase os obxectivos da etapa.

Novidades no calendario de final de curso 2021/2022

A Consellería modificou o calendario escolar para o curso 2021/2022. Estas modificacións figuran na disposición derradeira primeira da Orde do 25 de xaneiro de 2022, pola que se actualiza a normativa de avaliación nas ensinanzas de educación primaria, de educación secundaria obrigatoria e de bacharelato no sistema educativo de Galicia (DOG 11/02/2022).

Semana do 6 ao 10 de xuño.

- Terceira avaliación da ESO e entrega de cualificacións.
- Avaliación final ordinaria de 1º de bacharelato e entrega de cualificacións.
- Avaliación final ordinaria de 1º de FP Básica e entrega de cualificacións.

Período do 6 o 22 de xuño.

Para a ESO.

- Diseñaranse actividades de apoio e recuperación para o alumnado que teña materias ou ámbitos con partes sen superar.
- Diseñaranse actividades de reforzo e ampliación para o alumnado aprobado.

Para 1º de bacharelato e FP Básica.

- Preparación das probas extraordinarias, mediante actividades de apoio, reforzo, recuperación, ampliación e titoría.
- Actividades de reforzo e ampliación para o alumnado aprobado.
- Realización das probas extraordinarias entre os días 20 a 22.

Período do 23 ao 30 de xuño.

- Avaliación final da ESO.
- Avaliación extraordinaria de bacharelato e 1º de FP Básica.
- Entrega de notas e reclamacións.

Aclaracións.

1. Desaparecen as probas de setembro.
2. Desaparecen as probas extraordinarias na ESO.
3. O alumnado de 1º de bacharelato e 1º de FP Básica que supere todas as materias o día 6 de xuño ten xa as notas definitivas, pero deberá seguir asistindo ás aulas ata o día 22.
4. Os criterios para o deseño das actividades de apoio, reforzo, recuperación, ampliación e titoría de cada departamento didáctico serán publicadas na páxina web do centro a partir do día 13 de abril de 2022.